

ACTII SYN- CERIS ANNAZA-

RII DE MORTE CHRISTI

Domini, ad mortales Lamentatio,

Danielis Augètij annota-
tionibus illustrata.

*Ad Antonium Oliuarium Lumbariensem
Episcopum.*



PARISIIS,

Apud Ægidium Gorbinum, sub insigni Spei,
propè Collegium Cameracense.

1557.

NY 2 115 A
* DANIEL AVGENTIVS
ad pium Lectorem.

SI Brutos Deciosque inuuit legisse cadentes,
Dum reddunt patriæ libera signa suæ:
Quàm te inuenerit hoc, Lector, nouisse libello,
Illum qui uoluit, ne moriari, mori
CHRISTVS is est tibi qui moriens de morte triumphat,
CHRISTVS is est per quem uita recepta tibi est.
Ergo age ne pigeat breuiter legisse, recepta
Quo uita à letho nobile pignus habes.



OPTIMO ATQVE CLARISS.

viro D. Antonio Oliuario, Episcopo
Lumbariensi, Daniel Augentius
S. P. D.



*V*m ex fratre nepotis
tui optima i ndolis &
magna expectationis
pueri curam amplissi-
mus prudentissimusq;
eius pater mihi com-
misisset, ornatissime
Præsul, oblitus com-
modorum meorum to-
to pectore hoc vnum
dies noctesq; conabar,
vt illum ad pietatem verâmq; religionem instituerem, ad
virtutem & ingenuas bonarum artium disciplinas docen-
do cohortarer atque inflammarem. Nam vt ait ille, cūmi ad
naturam eximiam & illustrem accesserit ratio quædā con-
formatiōque doctrinæ tum illud nescio quid præclarum ac
singulare solet existere. Itaque ex optimis quibusque autori-
bus ea excercebam, vnde pulcherrimarum rerum cognitionē
ad iudicandum de ciuilibus moribus & ad parandam pru-
dentiam necessariam, facile edisceret, ingentēque selectissi-
morum verborum copiam ad dicendum de qualibet re vti-



Cicer. in
orat. pro
Archia.

lem, sibi compararet. Sic factum est, ut (si quod à grauioribus studiis & maioribus occupationibus liberum mihi tempus dabatur) breuem hanc Sannazarij Lamentationem, in qua Seruatoris nostri I E S V C H R I S T I mortui imago cernitur, eiusdémque de partu Virginis libros peracri ac perpolito iudicio conscriptos, multiplicique optimarum rerum cognitione refertos, illi explicarem, ut in vera pietate ac fide animus eius magis magisque instrueretur & confirmaretur. In illos libros cum anno superiore annotationes quasdam scripsissem, statim efflagitare multi à me cœperunt (qui apud me plurimum ad persuadendum valebant) ut eas cum studiosis omnibus cōmunicarem. Quorum honestæ petitioni, cum illi acrius instarent, diutius refragari non potui, sed placuit quæ breuius & à uariis & multis inter legendum discipulo tradideram, nunc copiosius quodammodo retractata ac diligentius introspecta, ad usum iuuentutis emitte, tibi que nuncupare. Accipe igitur placido vultu, clarissime Præsul, hanc mei erga te animi significationem, & tuo patrocinio præstantissimo ab iniuria & calumnia sycophantarum tue re & conserua. Quod si pro tua singulari humanitate, ut spero, feceris, & musæ meæ Charites tuæ arriserint, ad maxima atque innumerabilia tua erga me officia & merita non mediocrem accessisse cumulum existimabo. Vale. Lutetia, Cal. Martius, anno salutis humanæ, Millesimo quingentesimo quinquagesimo quinto.



Vm lectio Christiani sit passionis Domini recordatio, iuxta illud Pauli, Vnum scio Iesum Christum & hunc crucifixum, quod est omnia scire, hoc carmine parænetico adhortatur poeta vnumquenque ad passionis Domini-
cæ meditationem: suadetque vt relictis fabularum lenocinijs ac ludicris nugis, ad rerum cõtemplationem meliorum animum aduertamus. Ea autem est quam Ieremias describit, Qui, inquit, gloriatur, in hoc gloriatur quòd nouerit me, quoniã ego sum Dominus, qui misericordiam, iustitiã, & iudicium facio in terra. Hæc itaque summatim quæstio proponatur, Omnes homines debent obsequantia sempiterna tanti beneficij memoriam colere, quo à Satanæ tyrannide liberatum est genus humanum, anniuersariòque luctu prosequi supplicio salutari affectum, hoc præsertim die τῆς ἐπιτέμνης. Sic enim dilexit Deus mundum, vt filium suum vnigenitum daret, qui exinaniuit semetipsum, formam serui accipiens, vt ait Paulus, relinquens exemplum vt sequamur vestigia eius. Argumẽta autem quibus generalis illa quæstio disputatur, plurimum ad eam concludendam valent. Nam mortuus is est cuius Prouidentia cuncta reguntur: vnde elementa etiam ipsa suum testantur dolorem, cum his muneribus nõ funguntur, ad quæ obeunda sunt creatum si mortem recusasset, crucis supplicium omnes perulissimus. Hinc enim ratiocinamur, quàm horrenda res sit peccatum, quàm misera seruitus mancipium esse Satanæ, quam metuenda ira Dei, quanta Dei charitas erga genus humanũ, quod tã admirabili ratione seruare voluit. deinde cũ eo surrexim⁹, vt tãdẽ cœli habitatores essemus. Quare cum omnes adire debẽt, parareque Deo animos suos, cũ illud vnum à nobis postulet, vt tanti beneficij

1. Cor. 2.

Cap. 9.

Ad Phil. 2.

1. Petri. 2.

memores agnoscamus cui rei nati simus, nēpe vt cognoscamus, timeamus, amemusque Cōditorem nostrum. Hic porro videre licet quibus locis vti cōueniat, quos item reuicere in laude Iesu Christi. Imprimis si quis Deum Opt. Max. laudare velit, vtatur his locis, quibus & praeunte diuino spiritu vates illi prisci sunt vsi; quibus & posteri, qui autore Eusebio hymnos Deo omnipotenti concinebant: testanturque literæ sacræ Mosen trāsmisso mari ora potitum, hymnū seruatori Deo pronunciaſſe, hexametro versu scriptum: quo agit gratias Deo ob victoriam aduersus Pharaonem: & de Iacobo non silent qui in idem studium non semel incubuerit. Primus ergo locus erit maiestas naturæ, quā non aliunde quā ex sacris literis haurias. Proximus eius continet in nos beneficia, ob quæ totos nos illi debemus. Incipe ab orbis cōstitutione, percurrē tempora, signa, myſteria, obrueris laudum copia, ſelige eam partem laudis quæ ad eum diem erit aptiſſima. In hoc genere sunt Cantica quæ vocantur penē omnia. Et his duobus capitibus Dei laudem optimē contexes, quōd Deus laude nostra non eget, eam tamen pro obſequio accipit. Quoties iuſtitiam bonitatēque Dei fulminat Paulus? Quoties charitatem in omnes mortales Ioannes? Ita pro commodo argumenti laudum infinitarum eam partem attinges quæ ad rem maximē pertinebit. Quod hac Lamentatione doctiſſimē facit Sannazarius, quo nemo copioſius, nemo acutius, nemo abſolutius, quodcunque ſuſcepit tractat. Hæc ſummatim: nunc particulas ſigillatim perſequamur & diſcutiamus.

Exod. 15.

Gen. 35.



ACTII SYNCERI SANNA-
zarij De morte Christi Domini, ad
mortales Lamentatio.

SI quando, magnum mirati surgere Solem
Oceano, & toto flammias diffundere cælo:
Certatimque suo terras ambire meatu
Noctiuagâ Phœbē pracinctâ cornibus aureis:
A Eternosque astrorum igneis, cælique micanteis
Scintillare oculos: aliquem dare iura putastis,
Atque polo regnare hominum, rerumque parentem:
Cui mare, cui tellus, cui pareat arduus æther,
Cuncta supercilio qui temperet: hunc simul ægri
Mortales (si vestra dolor præcordia tangit)
Aspicite immitti traiectum pectora ferro,
Pectora, sædatâsque manus, perfusâque tabo
Ora, cruentatumque caput, crineis que reuulsos:
Aspicite, & plenos lacrymarum fundite riuos.

SI QUANDO) Exorditur per locum attentionis à magnitu-
dine eius qui passus est: & ex causis colligit rationem, qua primum ad-
iuncti fuerint homines ut Deum putarent. Magnum Sol, inquit Cic.
de Nat. Deorum 2. dictus est, vel quia solus ex omnibus syderibus
est tantus: vel quia cum exortus est, obscuratis cæteris syderibus solus
apparet. Dicit autē hic magnum Solem quod sit maior tota terra duo-
decimiginti partibus, ut ait in Academicis Cic. vel ut Ptolemæus in
magna constructione, centies sexagies sexies, quæ magnitudo admira-
bilis nobis videri debet, reputatibus quantitatē eius oculorum nostro-
rum iudicio pedalem aut bipedalem duntaxat esse, quod Epicurus cen-

DE MORTE CHRISTI

sebat sensu deceptus. Præclaras Solis laudes vide apud Plin. lib. 2. c. 6. & Cic. in Somnio Scipionis. Oceano) Poëtico more hoc, quia fingunt poëta pro Occidente Solem immergi Oceano pro Oriente surgere. Virg. primo Georgic.

Sol quoque & exorians, & cum se condet in undas.

Hic autē Oceanum pro quocunque mari usurpat, ut Virg. Aeneid. 2.

— & ruit Oceano nox.

Est porro Oceanus mare magnum quod totum terrarum orbem veluti insulam circumfundit: à fabulosa velocitate & rapido aestu nomen habens, ab à particula priuante, & xia quod xia significat, id est, dissimulando Suidas deducit, quasi minimè diffusum sed perpetuum sit. Solinus & Servius à nomine ωκεανος, id est, celer, propter fluctus quibus asperum se & innaugabile redderet. Hinc fabula de columnis Herculis Calpe & Abyla, quas tantus impetus Oceani perfractis quasi terræ vinculis effecisset. Plato falsò credit æasperitatis & velocitatis in Oceano causam aliam in Timæo reddit de Atlantica insula, quæ ingenti quodam motu terræ in aquas demersa pelagus illud innaugabile fecerit. Meatu) Sic. Lactan. libro 3. Videbant siderum cursus in occasum meantium, id est, euntium. & — Solis cursus, lunæque meatus. Lucret. lib. 5. Dicit ergo lunam pro viribus contendere ut noctis tenebras illustret. Solem quoque radios immittere per cælum vniuersum, idque providentia Diuina: nam ascendente Sole ad superius hemispherium tenebræ noctis fugantur, & efficitur dies. Cornibus) Cornua lunæ tribuuntur. Sic Ouid. 1. Metamor.

Nec noua crescendo reparabat cornua Phœbe.

& Virg. 3. Aeneid.

Tertia iam lunæ se cornua lumine complent.

Luna autem per se est opaca, nec suapte natura splendet, sed à sole illu-
minatur. Cum igitur est in coniunctione cum sole, radij solares non pos-
sunt corpus lunare propter densitatem penetrare, itaque prorsus non cer-
nitur. Nam tertio die post coniunctionem digressa à sole luna, radium
ex obliquo recipit: unde principio uanitas, id est, corniculata seu falca-
ta: postea verò longius à sole discedit, & diximus, id est, dimidiata ap-
paret. Cum autem consueque peruenit, ut radios solis ex aduerso recipiat,
πληρης, id est, plena conspicitur. Denique eodem modo rursus decre-
scit, do-

scit, donec ad coniunctionem iterum pervenerit, quam interlunium seu novilunium nostri, Græci σινοδος appellant. Has lunæ varias vices Pontanus his versibus describit,

— quantumque ab Apollinis igne recedit,
Hoc magis ipsa suum fundit mortalibus ignem:
Cornibus auratis primum, mox fronte resulget
Iam media, medium cæli dimensa volumen.

Atque hinc obliquos vultus, turgentiæque ora
Nocte refert, tandemque vago digressa meatu
Exurgit solem contra, plenæque coruscant

Orbe comam, & fulvo torum caput explicat auro.

Scintillare) Oculos metaphorice dixit, & scintillare habitare ratione quod ignes dixerat, ut apud Virgil. 3. Aeneid. astrorum ignes dicuntur pro luminibus. Dare iura) Dare iura est præscribere leges, Virg. Aeneid. 1. Iura dabat, legesque viris. Nullus porro fuit tam barbarus, cuius animo quædam de Diis opinio non insideret, ut ait Cic. de Nat. Deor. & 1. Quæstione Tusculana, Ut porro, inquit, firmissimum hoc asserri videatur, cur Deos esse credamus, quod nulla gens tam fera, nemo omnium tam sit immanis, cuius mentem non imbuerit Deorum opinio, & c. Præclare certe Aristoteles inquit, & à M. Tullio est repetitum, si essent homines qui sub terra semper habitavissent, & deinde repente evadere in hæc loca quæ nos incolimus, atque exire potuissent, pulchritudine mundi cursibusque stellarum ordinatissimis conspectis, profecto & esse Deos, & hæc tanta opera Deorum esse arbitrarentur. Lactantius quoque neminem ait esse tam rudem, tam effervis moribus, qui non oculos suos in cælum tollens esse intelligat aliquam Dei providentiam, qua regatur hoc omne quod cernitur. Male certe, ut ait Augustin. vinitur, si de Deo non bene creditur. Cui mare) Amplificatio potestatis per solutionem & repetitionem. Cuncta supercilio) Pie hoc & religiose, contra impiam & sædissimam Epicureorum opinionem, existimantium Deum non curare res humanas, quia indignum videretur Dei maiestatem tam tristibus & humilibus occupatam esse negotiis, sed omnia ex fortunæ arbitrio atque cæco hominum consilio pendere, non regi diuina Providentia. Boëtius metro. 3. lib. 1.

O stelliferi conditor orbis

Qui perpetuo nexus folio
 Rapido cœlum turbine versas.
 Legemque pati sydera cogis:
 Tu frondiflua frigore brumæ
 Stringis lucem breviorē mora:
 Tu cum feruida venerit æstas
 Agiles noctis diuidis horas
 Tua vis varium temperat annum.
 Sic Horat. Ode 1. lib. 3. Carminum,
 Cuncta supercilio mouentis.

Tēperat ergo Deus cuncta supercilio, id est, omnia suo ordine ac mensura administrat, nutu, grauitate, arbitrioque suo regit, ut Virg. 9. Aen. Annuit, & eorum nutu tremefecit Olympum.

Supercilia autem proprie pars in ima fronte supra oculos, pilis vestita, Græcè ὀφρύς. Supercilia, ait Plin. lib. 11. c. 37. homini & pariter & alternè mobilia, & in iis pars animi negamus, annuimus. Simpliciter ipsum supercilium pro fastu & arrogantia ponitur. Cæterum quod ait Plin. supercilium annuere nos atque renuere, Homerum secutus est, apud quem versus hic aliquoties legitur,

ἦ, ἔ, κλυτὰ τεύχε' ὀφρὶν ἰδὼν ἔχουσιν ἰ.

Sic ait, atque superciliis Pater annuit atris.

Aspicite) Amplificatio crudelitatis, ex enumeratione partium, Vbi geminatio verbi exprimit affectum. Ponitur autem traiectum pectora πύρρον, χαλκῶν, pro eo quod est, traiectum habentem pectus ferro immiti, Vbi est translatio ab animali ad inanimal: ferrum enim non immitte est, sed homines ferro vtentes. Tabo) Virg. Aenied. 3.

Et terram tabo maculant, Vbi Seruius dicit esse tantum septimi casus, ut sponte, natu, significareque corrupto sanguine. Alij dicunt nomen esse διπλῶν, id est, duorum casuum, & tibi, & tabo, solum inueniri. Significat autem hic, liuore quo sanati sumus, ut est 1. Petr. 2. Christum porro toto corpore flagris contusum vulneribusque confectum figurauit Iob, capite 11. A planta pedis vsque ad verticem capitis exulceratus sanieque persusus, & nos reputauimus eum quasi leprosum, & à Deo percussum & humiliatum, & ut ait Greg. Theologus,

Ἀποὺ τῆς ἐμῆς τα τῆς ἑξῆς πνοῆς.

Plenos

Plenos lacrymarum) Periphrasis lacrymarum Vberimarum cum translatione.

Heu scelus, heu crudele nefas: iacet altus Olympi
Rektor, & amisso torpent elementa magistro.

Quin etiam vacuum assueto sine pondere cælum
Nutat, & ipsa suum quærent solia aurea Regem:

Quem diuersa procul sæuo cum crimine tellus
Ignotum populis caput, & miserabile corpus

Sustinet, ex angueisque sinu complectitur artus,
Et tremefacta, graueis testatur murmure questus.

Testatur Sol ipse suum sub nube dolorem
Iam latitans, atræque notans ferrugine frontem.

Tu quoque deformisque genas, pallentiæque ora
Contegis, inferiæque tuo das Luna Tonanti,

Auratum flauo tondens de vertice crinem,
Et lacrymas vda fundens in nocte tepentis.

HEV SCELVS) Erumpit in indignationem, amplificatione
earum rerum quæ magnæ sunt naturæ, & ex persona Christi, sic,
Omnium rerum principia, ex quibus cætera originem sumunt (sic e-
nim exponit, D. Hieronymus in comment. in epistolam Pauli ad He-
braeos) mortuo suo rectore pigrescunt, tanquam spoliata magistro, ut
loquitur Virgil. in 5. Torpent autem est *παύονται, ἀναιδέτως ἔχουσι,*
αἰσχύνονται. Salust. Incultu atque socordia ingenium torpescit, deuiet
asche. *μωροποιεῖται* ergo hic capitur. Cæterum Olympus dicitur quasi
ὀλολαμπής. i. ὅλος λαμπρός, totus fulgens, quia Solem clarum habet, nul-
lusque nunquam nubibus fuscatur. Vacuum) Demissus est Chri-
stus in terras ex cælo, unde cælum ipsum iam minatur ruinam, *νεύσει*.
Nutat) Metaphora est à motu capitis, quod inclinando affirmare
& negare solemus. Quem diuersa) Commiseratio à commutatione
primæ fortune & dignitatis. Crimine) Flagitiis enim obruta erat
terra post lapsum primi parentis. Ignotum) Sui enim eum non re-
ceperunt, Ioan. 1. Lactan. de Pass. Dom.

— nec requiem terrarum in finibus vsquam
Inueni, sed vbiq[ue] minas, sed vbiq[ue] labores.

Sinu) Terra p[ro]p[ri]a tanquam mulier fingitur. Lucretius libro primo, In gremium matris terrai precipitauit. Exangues artus) ad quia te uia. Et trem: facta) Amplificatio ex his que naturae magna sunt, vbi sensus tribuitur inanimatis, sic, Tremore concussa terra, testatur horrendos suos fletus. Est autem proprie murmur lenis aquae strepitus, licet pro alio quocunque strepitu poni consueuerit.

Testatur) Repetitio ad amplificationem, Sol ipse qui cum exortus est obscuratis aliis sideribus solus apparet, testatur suum dolorem. Præterea si Moysè manum suam in cælum extendente, Exod. 10. tenebrae horribiles operuerunt terram Aegypti, ita ut per triduum nemo alterum videre aut se mouere de loco in quo erat potuerit, Sap. 17. & 18. Si Iosue iubere solet luna refrenato cursu donec ille fugientem prosterneret hostem persisterunt. Esa. 28. ipsum tunc diem multo longius quam alias solent protrahentes, Ecclesiastici 46. Si reuersus est sol decem lineis per gradus per quos descenderat in signum protelate vite regis Ezechiae cum orasset, 4. Reg. 20. quid mirum quod idem sol quasi in luctu positus, lucem retraxerit, Esa. 38. & tenebris dederit locum, ut sicut olim Aegyptum contexerant, tunc terram contegerent, Psal. 103. Porro autem solem hic tanquam personam fingit Poëta, quoniam & antiquis Deus maximus est habitus, & in persona colitur. Totum hunc locum sic extullit. lib. primo de partu virg. Sannaæ,
Quod scelus eoīs ut primum cernet ab undis
Sol: indignantes retro conuertere currus
Optabit, frustra que suis luctatus habenis,
Quod poterit tandem, auratos ferrugine crines
Insciet, mœstamque diu sine lumine frontem
Ostendet terris: ut qui iam ploret ademptum
Authorem regemque suum: quin ipsa nigranti
Fraxis ab ore timens, & tanto concita casu
Cynthia, cœruleo vultus obnubet amictu,
Auertetque oculos, lacrymasque effundet inanes.
At contra horrifono tellus concussa tremore,
Cum gemitu fremet: & ruptis excita sepulchris

Emittet simulachra. &c.

Notans ferrugine) Allegoria est à fabris signo aliquo sua opera notantibus. Ferrugo verò propriè est rubigo ferri. Similis est locus apud Virg. primo Georgic.

— solem quis dicere falsum

Audeat ille etiam cœcos instare tumultus

Sape monet, fraudemque, & operta tumescere bella.

Ille etiam extincto miseratus Casare Romam,

Cum caput obscura nitidum ferrugine texit.

Tu quoque) Varietas orationis per ἀποφάν. Inferiāsque tuo) id est, sacrificia quasi inferis persoluis propter Christum Tonantem passum, & hoc modo quia desinis apparere, ita ut apud inferos & Plutonem tuum videaris esse. Sunt autem inferiæ mortuorum sacra quæ manibus solvuntur, Virg. Aeneid. 10.

Viuentes rapit inferias quas immolet umbris.

Et Atossa mater Xerxis apud Aeschylum in tragoedia cui titulus est πέρσης, Dario regi Persarum marito suo fert inferias, quæ umbris dicit esse placamina: sic enim ait

— τῷ πατρὶς πατρὶ σπουδρεῖς χοῶς

ὕπερ, ἀπὲρ νεκρῶσι μαλακτέλαι.

Βοῶς τ' ἐφ' ἀγῶνι λευκῶν εὐπυτων γάλα,

Τῆς τ' ἀνδραμονεῖου σάγμα παμφαῖς μέλι.

Λιβδότι ὑδραλῆς παρθένου πηγῆς μάτη.

Ἀκούσθ' ὅτι τι μητρὸς ἀγρίας ἀπο

Ποτὸν παλαιᾶν ἀμπελὺ γάος τόδ' ἐ,

Τῆς τ' αἶψα ἐν φύλλοισι θαλάσσης βίος,

Ἐαυτῆς ἱλαίας κερτὸς οὐδ' ἐς πάρος,

Ἀνδρὶ τε πλεονὰ παμφόρου γάλας τίμα.

Prodi, inquit, sacratum umbris Darij æternas inferias, Lac iuvencae candidum, poru suave, mel apis ex floribus suum opus facientis, cum laticibus aqueis fontis limpidissimi, & merum aqua non mixtum, fructumque odoratum olivæ fluxæ, & omnis generis coronas. Tonanti) Tonans dicitur Deus. Ouid. 1. Metamor.

— magni tecta Tonantis. Auratum) Solet hoc fieri in luctu & morte charissimorum, ut capilli ponantur, & lacrymis defleantur quibus

DE MORTE CHRISTI

carere antiquis miserrimum videbatur. Aeschylus ibidem, ubi Xerxes lacrymis prosequitur vires imperij Persici imminutas & labefactas, dicit,

Καί μοι θυοῖσιν πύρρα λευκὰ τείχεα,

Καὶ ἄλλα ἰδεῖται, ὅτε κατακτείνῃ σπᾶτον. .i.

Vellica mea caussa pilos canos barbae, & extrahe tibi casariam crinesque, atque lamentare exercitum. Et Virg. lib. 11. Aeneid. Et moeste Iliades crinem de more soluta. Solebant etiam antiquitus Hebraei in planctu & lamento sua dilacerare vestimenta, sicuti de Iacobo Gen. 37. legimus, quando illi a filijs suis denunciata est mors charissimi filij sui Iosephi, & de Davide in morte Saulis 2. Samuel. 1. alisque permultis. Flauo) Ouid. lib. 2. Fast.

Forma placet, niveusque color, flauique capilli.

Vda) Virg. Aeneid. 2. — Et iam nox humida coelo Precipitat.

Nec minus abruptis fama est exisse sepulchris,
Perque vias errasse nouis simulachra figuris:
Excitâsque umbras, medias vlulasse per vrbeis
Sub noctem, & notos questu implenis penateis.
Quid? non & pelagi rabies attollere fluctus
Immaneis visa est? monteisque euoluere aquarum,
Deiectura vrbeis, terrâsque haustura profundo?
Cum simul & caput vndisonis emersus ab antris
Caruleus Triton rauco super aquora cornu
Constreperet, nautâsque horrenda voce moneret,
Naturæ cecidisse patrem, Regemque, Deumque.

N E C minus abruptis) Solebant enim tum corpora, tum cineres, si adureretur cadauer, vniis condi. De hoc porrò naturæ prodigio in hanc sententiam à D. Matthæo scriptum est, Monumenta apta sunt, & multa corpora sanctorum qui dormierant surrexerunt, & exiit de monumentis post resurrectionem eius venerunt in sanctam ciuitatem, & appa-

Et apparuerunt multis. Excitas) id est, experzefactus & valde commotus mortuorum umbras. Greg. Theolog. $\chi\alpha\iota\varsigma$. $\mu\alpha\chi$.

— $\beta\alpha\rho\epsilon\iota\sigma\tau\epsilon\varsigma$ $\mu\epsilon\tau\alpha\varsigma$

$\Gamma\delta\psi\upsilon\tau\epsilon\tau\iota$ $\tau\eta$ $\nu\alpha\upsilon\pi\omega\iota$ $\epsilon\iota\varsigma$ $\delta\epsilon$ $\alpha\iota\tau\eta\gamma$ $\psi\psi\upsilon\tau\epsilon$. idem $\epsilon\iota\varsigma$ $\tau\hat{o}$ $\gamma\eta\eta$ $\mu\alpha\chi\alpha$ $\nu\alpha\upsilon\pi\omega\iota$ $\alpha\iota\tau\eta\delta\iota\psi\mu\omega\iota$ $\epsilon\iota\varsigma$ $\mu\epsilon\tau\alpha\varsigma$ $\tau\hat{\omega}\varsigma$ $\tau\alpha\lambda\epsilon\upsilon\tau\alpha\iota\alpha\varsigma$ $\epsilon\gamma$ $\kappa\alpha\iota\tau\hat{\omega}\varsigma$ $\alpha\nu\alpha\sigma\tau\epsilon\tau\omega\iota$.

Vlulasse) Translatio à lupis, ut ipso sono quid tristius appareat, Virgil. 1. Georg.

— Et alie
Per noctem resonare lupis vlulantibus vrbes.

Penates) Dij domestici, quod penes nos nati sint. Macrob. lib. 3. Satur. cap. 4. Penates esse dixerunt per quos penitus spiramus, per quos habemus corpus, per quos rationem animi posidemus. Pelagi rabies) id est, mare commotum & iactatum. Canum propria est rabies, Cic. Hecubam putant propter animi acerbicatem quandam & rabiem, fingi in canem esse conuersam. Mare autem dicitur insanum, Te vel per ignes, per mare insanum sequar, dicit Phædra Hippolyto apud Senecam. & Medea apud eundem, Insanum cumuit mare, Virgil. AEn. 5. — rabies cælique, marisque, id est, intempestas. Montēsque euoluere aquarum). Per translationem montes accipit pro excelsa magnitudine: de cuius ratione potest intelligi ex descriptione naufragij apud Virgilium 1. AEn. & Ovid. 11. Metamorpho. Vbi describit naufragium Ceycis.

Hauſtura profundo) id est, absorptura. Sic Linius decimo bel. Punic. Et in Veliterno agro terræ ingentibus cauernis confedit. arborēque in profundum haustæ, id est, absorptæ. Virgilius quarto Georgicorum, & medium Sol igneus orbem hauserat. Ceterum ut altum mare dicitur Virgilio, sic profundum. Cicero in oratione pro P. Sestio, Iecissem me potius ipse in profundum. &c. Antris vndisonis) Sic Virgilius quarto AEn. dicit æquor vndisonum. Cæruleus Triton) Sic apud Virgilium primo AEn.

Cæruleus Triton placida caput extulit vnda.

Terent. in Andria per translationem dixit facile ex illis sese emerſurum malis. De Tritonum miraculis, vide Alex. ab Alexandro, libro 3

DE MORTE CHRISTI

Genialium dierum, cap. 8. Triton autem Deus marinus qui Neptuni tubicen esse fertur, cui mandat, ut receptui canat, fluuiosque in suos fontes reuocet. Carulus Triton, Ouid. 1. Metamor.

*Hæne manus vasti iunxerunt sædera mundi?
Hæc opus est quodcunque iacet, quodcunque mouetur?
Quicquid vbiq; parens rerum Natura gubernat,
Frugiferens tellus; factumque animantibus æquor,
Vitalisque aër, atque ignibus æthra coruscis?
Et nunc (proh facinus quantum potuere nocentum
Flagitia) immisissis dant peruia vulnera clauis,
Liuentisque atro sædant squallore lacertos.
Heu caput indignum spinis, venerandaq; cælo,
Et toties clara stellarum impexa corona
Cæsaries: heu pectus hians: conuulsaque dira
Barba manu: tuncque artus: & frigida membra.*

HÆNE manus) Commiseratio magnæ potestatis ruentis, Hæne sunt manus eius qui comprehendit ventos manu sua, conclusit aquas in vestem suam, fundauit fines terræ? Esa. 40. Sûntne hæ manus quæ mensæ sunt aquas, coclos ponderarunt, appenderunt tribus digitis molem terræ, & librarunt in pōdere montes & colles in statera? Hierem. 31. Mundi) Plinius ait mundum esse cuius circumsflexu reguntur cuncta. Aristoteles ex partibus talem struit definitionem mundi, κόσμος ὁ τοῦ οὐανοῦ ὁρίωνος καὶ τοῦ γῆς, καὶ τῶν ἐν τούτοις ὅσων ἀποδύωνται ὁ κόσμος. — hanc cōpagē Græci κόσμος ab ornatu appellauerūt, Latini mundū à perfecta elegātia & admiranda partiū pulchritudine vocant. *Æthra*) *Æthra* pro splendore ætheris accipitur, & pro aëre ponitur. Virg. lib. 3. *Acneid.*

Nam neque erant astrorum ignes, neque lucidus æthra Sydereæ polus. hic tamen videtur accipiendum pro æthere potius quàm pro aëre, eo quod dixit ignibus coruscis, quod pertinet ad æthera assidue rutilantem. Ouid. ad Cæsarem.

Sic ha

Sic habites terras ut te desideret æther.

Est autem Aethra Latine formatum ab accusativo Græco per syn-
copen, Cic. 2. de Nat. Deorum, Aërem complexa summa pars cæli quæ
æthra dicitur, & suū retinet ardorē tenuem, & nulla admixtione con-
cretum & cum aëris extremitate coniungitur. Nocentum flagitia)
Nam propter peccata populi percussus est. Esaiæ 53. & Vbi venit pleni-
tudo temporis, misit Deus filium suum natum de muliere, factum sub
lege, ad Galat. 4. Lacertos) Ex brachij musculis qui lacerti dicun-
tur, brachia tota intelligenda sunt per synecdochen. Lactantius,
Cerne manus clavis fixis tinctosque lacertos.

Heu caput) Amplificatio ex colatione eorum qui iniuriam intul-
erunt, & ex modo iniuria illata: Vbi affectus mouet. Sic Lactantius
commemorans quæ in Christo visa sunt sublato in crucem,

— *en aspice crines*

Sanguine concretos, & sanguinolenta sub ipsis
Colla comis, spinisque caput crudelibus haustum
Vndique diua pluens viuum super ora cruorem.
Vbi pariter uia est, qua ex effectis significatur causa. dicitur enim
sanguis uiuus non quia uiueret, sed quia hominum generi vitam
daturus esset. Et Sannaæ, libro primo de partu Virg.
Cum Patri æthereo moriens liuentia pandet
Brachia, turpatosque atra de morte capillos
Oraque, demissosque oculos, frontemque cruore
Iam madidam, & lato patefactum pectus hiatu.

Casaries impexa) Inornata propter spinas & sanguinem casaries.
Casariatus miles, id est, comatus apud Plautum. Hians) Propter vul-
nus cordis lancea apertum. Tunsis) Fracti veluti maleis. Virgil.
Aeneid. 11.

Ingentem gemitum tunsis ad sydera tollunt
Pectoribus. Frigida) Propter mortem proximam.

Vosne pedes cælum premere, & vaga sydera sueti,
Fulgentisque domos Superum, sublimia tecta,
Tam saeva immaneis perpesti cuspidis ictus,
Et terram, & duras sparsistis sanguine cauteis?

DE MORTE CHRISTI

Nec trepidat mens cæca hominum? Quæ tanta tenaci
 Durities in corde riget? num nigra videtis
 Tartara, tot claris hominum viduata trophæis,
 Desertâsque in nocte domos, & tristia regna?
 Felicis&que animas letum Pæana canentis
 Ponè sequi Regem, & cælo insedisse sereno?
 Quid si non tantos subûisset sponte labores,
 Humanâ&que sua pensâset morte salutem
 Ille sator rerum, & summi mens certa parentis,
 Qui nutu ingenteis mundi moderatur habenas?
 Vt tandem intactos picea Phlegethontis ab vnda
 Post obitum æternæ donaret munere lucis,
 In partem&que suorum operum, regniquæ vocaret:
 Tantus amor generis seruandi, & gloria nostri.

Vósne) Commiseratio ex dissimili fortuna. Nihil tam miserabile
 quàm ex beato miser. Fulgentes) Propter æternos astrorum ignes.

Cautes) Cautes duræ ex natura. Sic. Virg. 4. Aeneid.

— sed duris genuit te cautibus horrens

Caucasus.

Nec trepidat id est, homines obcæcati, nec agnoscetes Deum, non
 cōmouentur. Mens trepidat metu, Horat. 2. Carm. Ode 19. Num ni-
 gra) Argumentum a maiori ad minus, Quæ durissima sunt & na-
 turam vt molliâtur non habent, mollescūt: ergo homines mollescere
 oportet. Viduata) propter patres limbo abductos. Dicit enim Domi-
 nus Ecclesiastici 24. Penetrabo inferiores partes terræ, & inspiciam
 omnes dormientes, & illuminabo omnes sperantes in Domino. Scient
 quia ego Dominus, cū contriuero cathenas iugicorum, & eruiro
 eos de manu ipsis imperantium, Exech. tricesimo quarto. Trophæis) In-
 telligit honores ex deuictis hostibus partos: morte enim sua mortem no-
 stram necauit, & tyranni claustra effregit Dominus: vnde dicit Osee
 decimo tertio, & 1. Corinth. 15. Ero mors tua ô mors, & morsus tuus ô
 inferne. Sunt autem trophæa columnæ aut parietes erecti, in quibus
 quæ ef-

quæ essent gesta aduersus hostem, describebantur: figebanturque in locis eminentioribus. Vide *Alex. ab Alex. cap. 22. lib. 1.* Sic *Fab. Acmilianus* deuictis Gallis, ex candido lapide trophæum tulit. *Marius* de *Iugurtha* & *Cimbris* duplici trophæo est donatus. Quod & *Flaminius* de torquibus Gallorum aureum statuit. *Metellus*, deuicto *Sertorio* aureum sibi poni iussit. *Octavius* ex auro rostratæ columnæ in foro trophæum fixit,

Defertas) Sic *Virg.*

— loca nocte silentia latè.

Latum Pæana canentes) *Hemistichium* est *Virgilianum*, *Æneid. 6.* Est autè *Pæan* hymnus in *Apollinem*, sicut *Dithyrambus* in *Bacchum*, carmen quod canebatur quum intermitteret pestis: abusive autem pro omni *Deorum* laude ponitur. Ponè sequi) Sic *Virgil. Æneid. 2.*

Ponè subit coniux: ubi Ponè est aduer. Quid si) ex antithesi, salus humana & mors.

Sponte) 1. *Cor. 5.* Qui non necessitate crucem, sed voluntate sustinuit. *Greg. Theologus* in *Tragœdia* *ἡμεῖς παρρησίας*

Εἰ μὴ δ' ἔκλυε ἡ μετὰ χ' ἰκνούσας

Πύρρον. μὲν γ' οὐκ ἔστιν ἰμῖντες,

Εἰ μὴ κακούδης αἶσα τῇ κατὰ κλάσιν,

Ut apud *Homerum*, *Iliad. 10.*

ὡς κατὰ αἶσαν, pro ὡς κατὰ δαμόν,

Ut exponit interpres, pro κατὰ: nisi fortè hic legendum sit κατὰς.

Sator rerum) In quo sunt omnes thesauri sapientiæ & scientiæ absconditi. *Colossen. 2.* *Virgil. 1. Æneid.*

— hominum sator atque *Deorum*.

Mens) .i. Verbum quod declarat voluntatem Dei, cuius potestas, potestas æterna, quæ non auferetur & regnum non corrumpetur, *Dan. 3.* qui dominabitur à mari vsque ad mare & à flumine vsque ad terminos orbis terrarum.

Habenas) Translatio ab equis. Significat autem hic potestatem & facultatem. *Intactos picea*) .i. non demissos in tartara. *Phlegethon* fluuius infernalis flammis æstuantibus rapidus, à *πύρρον* ardeo: Ut ait *Virgil. Æneid. 6.*

DE MORTE CHRISTI

*Que rapidus flammis ambit torrentibus amnis
Tartareus Phlegethon, torquetque sonantia saxa.*

Tantus amor) Epiphonemate, id est, acclamatione præcedentia concludit, Tanta fuit dilectio Christi, tam singularis & admirabilis Dei nostri bonitas humanitasque, quam D. Paulus *φίλας ἀγάπης* appellat ut voluerit pati pro nobis, cum in eius ore non esset dolus, qui cum malediceretur non maledicebat, cum pateretur non comminabatur, Esa. 53. & 1. Ioan. 3. & 1. Petr. 2. Qui propter nos egenus factus est cum esset dives, ut illius inopia diuites essemus, 2. Cor. 8.

*Quare agite, ex animis mortales pellite vestris;
Si quid adhuc manet antiqua de sorde relictum:
Mendacesque Deos, & detestanda priorum,
Sacra prophanatis tandem detrudite ab aris.
Imbuat effuso terram nec sanguine taurus:
Nec miser ille suæ diuulsus ab ubere matris.
Ignotos agnus balet super hostia cultros.
Viuat onis, viuat quicquid sub sole creatum est.
Mentem, animûmque Deo, non thura, aut exta parate.
Has illi pecudum fibras, hæc reddite dona.
Cernitis ut prouum flectat caput? ut pia pandat
Brachia? & ingratas vocet ad sua vulnera genteis?
Oblatasque viæ moneat meminisse relictæ?
Scilicet amplexus non reiecturus amicos.
At vos obtusas ignari auertitis aureis,
Infelix genus, & seuæ ludibria mortis:
Nec, quanta à tergo iam insistent tormenta, videtis.*

QVARE agite) Exhortatio qua excitat mortales ad veram Dei obseruantiam. Cum in Christo Iesu vos qui aliquando eratis longè, facti suis propè in sanguine Christi, expurgate animos vestros, & procul ab omnibus terrenis affectibus, ad cœlestis vitæ amorem erecti, dicatis

dicatis cum Paulo, Mihi mundus crucifixus est & ego mundo. Antiqua de sordē) Intelligit culpam primi parentis quæ fluxit ad omnes: sed ubi abundauit peccatū superabundauit & gratia, Rom. 5. Mendacis(que Deos) Supersticio gentium quoniam veri Dei notitiam non habebat, in varios ritus degenerauit, quosdam etiam prodigiose absurditatis, de quibus Virg. *Aeneid.* 8.

Ompigenūque Deum monstra & latrator Anubis.

Leue D. Hieronymi commentarios in *Esa.* cap. 19. & 46. De his quæ videntur bona non potuerunt intelligere eum qui est, neque operibus attendentes agnouerunt artificem, sed aut ignem, aut spiritū, aut celerem aërem, aut gyrum stellarum, aut violentam aquam, aut luminaria cæli, rectores mundi Deos putauerunt, *Sapient.* 13. Trecentos Deos habuisse memorie proditum est à Varrone. Vide *Suidam* ἐν τῷ ἑξατάμῳ. Nam lex diuina omnium cordibus insculpta dictabat aliquem habendum & inuocandum esse Deum: sed cum verum Deum ignorarent, subinde novos pro suis commodis & affectibus excogitauerunt demones quos colerent. Imbuat) Sic *Ouid.* in *Fastis*,

Non boue mactato cælestia numina gaudent,

Sed quæ præstanda est & sine teste fide.

Lactantius cap. 2. Vbi agit de falsorum Deorum & veri Dei cultu, Mactant, inquit, opimas & pingues hostias Deo quasi esurienti, profundunt vina tanquam sitienti: *Leuit.* 16. & *Heb.* 9. Si sanguis taurorum & hircorum & cinis vitule aspersus inquinatos sanctificat ad carnis purificationem, quantò magis sanguis Christi purgabit conscientiam vestram à mortuis operibus ad seruiendum Deo viuenti? Miser) quia ante diem rapitur vixdum natus. Vinat ouis) *Esaie* 53. Tanquam ouis ad occisionem ducetur, & quasi agnus coram tondente se obmutescet, & *Hieremie* 11. Ego autem sicut agnus innocens & ductus ad victimam nesciebam. Hic agnus est, in cuius typo immolabatur agnus, cuius cror linitus in postibus, exterminatorem fugabat *AEgypti*, *Exod.* 12. Fibræ) *Pecudum fibræ*, *Virgil.* 10. *Aeneid.* & *Lactant.* lib. 6. *Pecudum sanguis effusus*, quo aras inquinant. hic fibræ ponuntur pro extremitatibus iecoris cordis & intestinorum animalium, vel per synecdochen pro ipsis intestinis *Cernitis*) τὰ δορυ ex gestu Christi pendentis. habet autem indignationem hæc interrogatio.

DE MORTE CHRISTI

Brachia) *Esaia* 52. *Consolatus est Dominus populum suum, redemit Hierusalem, paravit Dominus brachium sanctum suum in oculis omnium gentium, & videbunt omnes fines terræ salutare Dei nostri.*
Ad sua vulnera) *Vnumquenque inuitat Dominus ad sua vulnera, Matth. 11. Discite à me quia mitis sum & humilis corde, & inuenietis requiem animabus vestris. At vos*) *Ex contrario vehemens reprehensio. Sæpe*) *Quia æterna est. Sensus est, miseri qui non prævidetis mortem futuram, miseri, inquam, nisi Christo membra vestra crucifixeritis.*

*Tempus erit, cùm vestra illum commissa notantem,
 Multantemque reos, altaque in nube sedentem
 Aspicietis: & horrenteis tremor opprimit artus.
 Nec iam ferre oculos flammæ ardore coruscas,
 Aut timidos acie vultus contendere contra
 Audebit quisquam sibi conscius. Ibit in igneis
 Turba nocens: fonteisque exsoluet corpore pœnas,
 Pallenteisque æternum amneis, vastisque lacunas
 Cocytus colet: & furias horrescet hiantes.
 Atque animum monitis non intendisse pigebit.
 Tunc vos exactæ capient mala tædia vitæ
 Expertæ cæli, atque auræ sub nocte profunda:
 Inq. caput trifidos nequicquam optabitis igneis:
 Et frustra erectas tolletis ad æthera palmas.
 Quos Superum cætus, & fortunata piorum
 Agmina vix lacrymis poterunt spectare retentis,
 Inuidiæ stimulis, dirisque vlticibus actos.*

Tempus erit) *ἡμετέρι.* *Multantem reos*) *.i. pœnis afficientem nocentes. Videbitis sedentem filium hominis in dextra Patris. Ouid. 3. Metamor.*

—— attonitis tremor occupat artus. Sic Sannazar.

libro

libro primo de partu Virginis,

— Sed tempus erit, cum Martia rauco

Mugitu cælum quatiet tuba, cùmque repente

Corpora per terras omnes latè omnia surgent.

Nec iam) Describit ex adiunctis, infelicitatem eius qui non se totum

addixerit legi diuinæ. Ferre oculos) Quod irati signum est. Conten-

dere) Translatio ab arcu aut cithara, cuius nervi quantò vehementius

intenduntur, tantò vehementiorem efficiunt sonum. Audebit quis-

quam) Nemo enim nocens se iudice absolvitur. Non apparebunt

coràm oculis tuis vari, Psalm. 5. Ibit in ignes) Dominus capite 25.

Matthæi, prædicit sceleratos sociandos in tormentis gehennæ, diabolo

& angelis eius. Omnes enim nos manifestari oportet ante tribunal

Christi, ut referat unusquisque propria corporis prout gessit, siue bonum

siue malum, 2. Corint. 5. De futura mundi conflagratione, horribilis

est illa vox Petri Apostoli, 2. Pet. 3. Veniet autem dies Domini sicut

fur in nocte qua cæli procelle in morem transibunt: elementa verò æ-

stuantia soluentur, terræque & quæ in ea sunt opera exurentur. Cùm

igitur hæc omnia solvantur, quales oportet esse vos in sanctis conuer-

sationibus ac pietatibus, expectantes & accelerantes aduentum diei

Dei, per quem cæli incensi soluentur, & elementa æstuantia liquecent?

Patenteis amnes) id est, inferos, & ut ait Lucret. lib. primo,

An tenebras orci visat, vastasque lacunas,

Lacunas) Seruius apud Virgilium lib. 1. Georg. ad illum versum,

Unde causæ tepido sudant humore lacunæ

appellat lacunas fossas, in quibus aqua stare consuevit. Videtur porrò

hic esse tamisius: quæ humili sermone magna recludit, ut illud,

Apparent rari nantes in gurgite vasto:

lacunas enim vastas accepit pro fluuiis inferorum qui sunt quinque,

scilicet, Acheron, Lethe, Cocytus, Phlegethon. Aliquando Lacuna signi-

ficat totum mare, idque Græcorum poetarum imitatione, qui sepe

lacunas pro mari ponunt: in qua significatione Lucretius lacunas sal-

sas appellat mare ipsum. Hiantes) quasi ad deuorandum. Furie sunt

scilicet, Tisiphone, & Mezera, filie noctis & Acherontis, de quibus

est in oratione pro Roscio Amerino. Cocytus) à κοκύτης, quod est ge-

gere & lamentari. De hoc scribit Seneca in Hercule furente,

DE MORTE CHRISTI

Palus inertis fœda Cocyti iacet,
Hic Vultur illic Lucifer bûbo gemit.

Tunc vos) id est, pœnitebit vitæ turpiter actæ, sed sera nimis erit
pœnitentia. Sub nocte profunda) id est, sub morte, apud inferos, ubi
perpetua est nox. Sic enim nox Poëtis pro morte accipitur, ut apud Ca-
cullum, in Epigram. ad Lesbiam
Nobis, cum semel occidit brevis lux,
Nox est perpetua ma dormienda. & Propert.
Nox tibi longa venit, nec reditura dies.

Quemadmodum & Græcis τίς dicitur χαλκός ὕπνος. est, n. ut docent
Homerus & Virgil. — consanguineus lethi Sopor. Sed & Orpheus
ad Somnum,

ἀντὶ τοῦ σῶντος ὅτι οὐκ ἔστιν θάνατος. Virg.

Olli dura quies oculos & ferrens vrget
Somnus: in eternam clauduntur lumina noctem
Lucretij — mus Homerus,

Sceptra potitus, eadem aliis sopitum quiete est,
Horatius, Ergo Quintilium perpetuus sopor vrget?

Inque caput) .i. frustra vobis imprecabimini. Trifidos) .i. tri-
sulcos, à tribus partibus findentes, ut Græcis dicitur πῦρ τετραλῶχον.
Flamma trifida fulmen, Ouid. 2. Metamor.

Ceterum trifidos ignes dixit per αἰὲς εἶπον pro fulmine, à triplici eius po-
testate, quemadmodum & trifidum dicitur Virgil. & Seneca in
Hippolyto,

Nec trifidula mundus ardescit face.

Tria fulminū genera enumerat Plin. lib. 2. sicca, quæ non adurunt sed
dissipant: humida quæ insuscant, non etiam vrunt: tertium est quod
clarum vocant, mirabilis quidem naturæ, quippe quo dolia exhaustian-
tur intactis operimentis. Quos) Exaggeratio futuri supplicij, à com-
miseratione etiam beatorum. Divisque) id est, infestatos furis quæ
diræ dicuntur & Ultrices siue vindices facinorum & sceleris, ut est
apud Virgil. lib. 6. Aeneid.

Sic piorum impiorumque facta collatione, demonstrat David Psal. 1.
felicitatem illorum, contra quæ quæ supplicia impios maneant.

— supremi iudicis cum venerint

Tribunal

Tribunal ad iustissimum,
 Causa cadentes, à bonorum candida
 Turba procul miserrimi
 Trudentur ima in tartara : quoniam Deus
 Mores piorum diligit:
 At turpiter qui vitam agit, cruciatibus
 Hunc sempiternis afficit.

Ergo vitaleis miseri dum carpitis auras:
 Dum compos mens ipsa sui est: dum certa facultas:
 Dum ratio, tempusque sinunt : simul ite frequentes:
 Ite pji, veniam factis exoscite vestris:
 Ite, animos purgate: Orcique inhibete rapinas:
 Et tandem patrio mentem conuertite cælo.
 Sic rex ille hominum vacuispoliator Auerni,
 Oblitus scelerum, cognatæ stirpis amore,
 Promissique memor, menteis intrabit amicas:
 Vestraque posthabitis recolet præcordia templis.
 Postque tot exhaustos vitæq; obitusque labores,
 Illo quo pluuias, quo pellit nubila vultu,
 Ablutos labe excipiet, letusque reponet
 Sydereos inter procures, sanctumque senatum,
 Sub pedibusque dabit stellantia cernere claustra.

Ergo) Vniuersæ cohortationis complexio disputatis antecedentibus concluditur. Auras) Sic Virgil. 1. Aeneid.

— si vescitur aura
 ætherea, nec adhuc crudelibus occubat umbris.

Et eodem libro,
 quisquis es, haud, credo, inuisus cœlestibus auras
 vitales carpis, &c.

Ite, animos purgate) q. d. verbo Dei abluite conscientias vestras,
 mundi esote, mysterium crucis in pectore conditum gestate, im-

DE MORTE CHRISTI

mensa beneficia immensis laudibus celebrare. Orci) Plutonis, Di-
tis: Sic dicti ab *Urgendo*, quòd ad mortem *Urgeat*. Patrio) Cælum
Patrium appellatur, quia animus ex cœlesti domicilio veluti à patria
in terras depressus est, & hic tantum agit tanquam peregrinus.

Vacui) Vacuum auernum dixit pro inferis vacuis, ex parte totum
significans. Vacuum autem, vel propter eos quos eduxit, vel quod um-
bræ sunt tantum nullum occupantes locum, quia tenues & incorporeæ.
Claudian. primo de raptu Proser. auernum etiam Vacuum vocat.

Cognatæ stirpis) Quia factus est homo, & serui formam accepit. Re-
color) Nullum enim sanctius gratiusve Deo templum, quàm homo be-
ne preparatus & expurgatus vitiis. Exhaustos) Translatio à poculis
quæ hauriendo vacuantur & ebibuntur. Liuius libro quinto ab Urbe,
Cum tantum laboris exhaustum sit. Illo quo plinius) Hoc ex imi-
tatione Virgilij, primo *Aeneid*.

Olli subridens hominum sator, atque Deorum,
Vultu quo cælum tempestatæque serenat.

Ablutos labe) Alludit ad morem antiquorum, qui solebant gravi-
simis etiam criminibus polluti, fluuio se abluerè. Sic Orestem pollutum
cæde materna, Iphigenia in Tauris apud Euripidem, se una cum si-
mulachro Dianæ quod eius aduentu etiam contaminatum videbatur,
aqua marina expiare atque lustrare velle ad Thoantem dicit, et inter
cætera hunc versiculum profert,

Θάλασσα κλύει πάντα τ' αἰθρῶπιον ἔργα.

hominū vniuersa proluit pelagus mala. Vide apud Macr. ca. 1. lib. 3. Sa-
turnaliorum. & Eras. in prover. Mare proluit omnia mortalium mala.

Sub pedibusque) i. stellas etiam ipsas faciet vobis inferiores, quas
perpetuò spectare possitis. Sic apud Virgilium in Daphnide,
Sub pedibusque videt nubes & sidera Daphnis.

Et Sannaæ lib. 1. de partu Virg. — stellas numerare licebit
Surgentemque diem pariter pariterque cadentem
Sub pedibus spectare, & longos ducere soles, &c.

& Laetian. — aciesque beatas
Sanctorum inspicies, æternæ pacis amœna
Perpetuò felix mecum regnabis in aula.

F I N I S.